



Шормо эл, порымлык да рын берр!

14 (3246) №,
2016 ий 2 апрель,
шуматкече.

ЯМДЕ ЛИЙ

1933 ий 1 февраль годсек лектеш.

0+

Пеледше тукым улына



I
вер

«Звёздочка» йочасад
(Звенигово ола).



III
вер

«Колосок» йочасад
(Кужертер посёлко).



«Малыш» йоча группо
(Килемар, Арде школ).



II
вер

«Пеледыш» йочасад
(Волжский, Сотнур).

«Марий вургеман курчак» конкурсышто 162 курчак аклалтын. Сененыт: I вер - «Шонанпыл» йочасад (У Торъял, Кугу Овалже), II вер - Йошкар-Оласе 67-ше №-ан йочасад, III вер - «Улыбка» йочасад (У Торъял посёлко).

«Шке возымо йомак» конкурсыш 34 автор ушнен.

I вер - В.Корчемкина (У Торъял посёлко), II вер - Г.Максимова (Шернур, Марисола), III вер - Н.Турецких (Оршанке, Кугунур).

Йочасад группо
(Советский,
Ушнур школ).



Отосүретлашьте артист-влакым ужыда. Чын-чын. Нуно йочасадыш веле коштыт гынат, кажныж нерген тыге кокытеланыде ойлаш лиеш. 28 мартыште Марий тўвыра рўдер чылаштым «Пеледше тукым» йоча усталык конкурсын республикысе этапшыкыже поген ыле. Латик район ден кок оласе йочасадла гыч латкум коллектив мастарлыкшым Йошкар-Олаште ончыктыш. Национальный президент школ-интернатын кугу сценыже йоча-влакым нимынярат ыш лўдыктў. Кажныже воспитатель-влакын ўшанен пумымо рольыштым тыршенак модо.



*Ай мастар
Аулыт вет!
Кажныжым, миен,
«Молодец улат!»
манын, вуйжо гыч
ниялтыме шуэш.
Йочан тыгай
мастарлыкшым ку-
гыен-шамыч шуа-
раш тўналыт да
ончыкылык корным
ончыктат гын, ма-
рий театр-влак-
клан актёр ямдат!*

А.ЭМАНОВА.



**Йочасад группо
(Морко, Арын).**

Н.СЕМЕНОВАН
фотожо-влак.



**«Изи мўкш» йочасад
(Оршанке, Кугунур).**



**«Солнышко» йочасад
(У Торъял посёлко).**




**«Яблонька» йочасад
(Медведево,
Краснооктябрьский).**



**«Колокольчик» йочасад
(Шернур посёлко).**




**«Сказка» йочасад
(Параньга, Матароло).**



**«Солнышко» йочасад
(Марий Турек посёлко).**



**«Теремок» 6У-ше
№-ан йочасад
(Пошкар-Ола).**



Сай кино!

Кодшо арнян Йошкар-Оласе кинотеатрыште «Васенин» кином ончыктеныт. Тушко режиссёр Андрей Григорьев шкежак толын. Киношто Киров кундемын эргыже, Кугу Отечественный сарын ветеранже Николай Максимович Васенинын илыш корныжо сүретлалтеш.

8 апрельыште Лумгече вашеш

Национальный президент сымыктыш школышто «Кылтин-кылтин күслеже» научно-практический конференций лиеш. Тудо икымше марий профессиональный композитор И.С.Ключников-Палантайын шочмыжлан 130 ий темме вашеш эртаралтеш. 10 шагатлан тўналеш.



1 апрель - Кайыкын тўнямбал кечыже

Шырчыкым вучем



Мый шошым шырчыкым куанен вучем. Тудын муралтымыжым пеш йоратем. Толмашшыже шырчык омартам ыштен ямдылем: игым пўктен лукташыже куштылгырак лиеш. Сад-пакчаштат осал шукш-влак шагале-мыт. Кайык – мемнан – шулдыран йолташна, т у д ы м а р а л а ш кўлеш.

Никита МАЙКОВ.
Морко, Кократово.

Конкурс

«Лучший урок письма» Всероссийский конкурс сыш тений кок у теме ешаралтын: «У меня дома живёт амурский тигр» да «Тигр – властитель Уссурийского края». Амурский тигр-влаклан пўлеклалтше паша-влакым 30 май марте колтыман. Конкурсын условийжым Российысе Почтын сайтыштыже савыктыме.

Православный книга кече



22 мартыште – «Православный книга кечым» палемдышна. Ты кечын школышкына Сотнур селасе Святой Троице лўмеш черкын настоятельже иерей Игорь Сапаев

только. Бачышка школлаан книга ден журнал-влакым пўлеклыш. Тудо палемдыш: «Православный книга-влак вийым пуат, айдемын шўлышыжым почыт, ончыко корным ончыктат». Руш йылмым да литературым тунуктышо Л.Н.Никифороват тиде шонымашымак пентгыдемдыш.

Анастасия МИХАЙЛОВА.
Волжский, Кугу Коракас.

Историйым шергалына

1945 ий 4 апрельыште совет войска-влак Словакийын рўдолажым, Братиславым, фашист тўшка деч утареныт.



Чеверын, теле!

Шижнынат ышна шукто, шошо телым алмаштыш. Йоча-влаклан теле моткоч келшен, сай шарнымашым коден. Тидын нерген редакцийышке шуко серыш пурен. Чылажым савыктен ышна керт. Сылне пагытын моторлыкшым



Алина Кузнецова (Морко, Энерсола), **Света Васильева** (Волжский, Сотнур), **Женя Сморodinov** (Шернур, Лажъял) моктеныт. Теле каникулыштым модын-воштылын, юарлен эртарымышт нерген Морко район Энерсола школ гыч **Алёна Васильева**, Кократово лицей гыч **Ангелина**

Огнева, Элина Абросимова, Катя Рассанова, Анна Александрова, Шўргыял школ гыч Елена Григорьева, Марина Уразаева, Никита Смирнов, Яна Алексева, Мария Ильина возеныт. Волжский район Кугу Коракас школын тунемшыже **Даша Малышева** сўретым кельыштарен. **Юлия Тимофеева, Даша Андреева, Олеся ден Полина Чепаковамыт, Аня Осипова** (Волжский, Пётъял), **Евгения Васильева** (Волжский, Сотнур) йўштө телым кайык-влаклан кормушкым ыштеныт, тушко кажне кечын кочкышым оптеныт. Морко район Шўргыял школ гыч **Полина Токтаева** «Зарница» модыш, **Клавдия Игнатьева** «А ну-ка, рвезе-влак!» конкурс нерген сереныт.

Идалыкын вес пагытшын, шошын, сөраллыкшым ужын шукташ да мыланна увертараш вашкыза, йоча-влак!

Л.ГРИГОРЬЕВА.

Тазалыкым пöртылтат, илышым утарат

Йошкар-Оласе Волков уремын 104-ше номеран пöртыштыжö Йоца эмлымвер верланен. Кумшо пачашым онкогематологий отделиний айла. Түй врачын алмаштышыжлан шуко ий Марий Эл Республикын сулло врачше З.С.Гордеева (снимкыште) ышта. Айста тудын деч йодышт налына, көмыт тыште эмлалтыт?

– Отделенийна 1988 ий 1 декабрьште почылтын. Мый лач Ленинградисе (кызыт Санкт-Петербург) ординатурым тунем пытарен толынам ыле, – каласкала Зинаида Семёновна. – У больницыш тугай ен-влак толыныт, кө эмлыме пашам чот йöратен. Мо онай шарнымаш кодын, ту ийынак 31 декабрьште йоча-влаклан ёлкым эртаренна. Кўварыште цемент кошкен шуын огыл, а ме мурена-куштена!

– А кызыт У ий пайремым эртаредат?

– Кажне ийын! Йолташна-влак шукын улыт: олесе «Зеркало» студийын самырык артистше-влак веселитлыктат. 2007 ий гыч «Взрослые – Детям» благотворительный фондын волонтержо-влак кажне кечын коштыт. Фондым Эльмира Тимофеева вуйлата. Пеш кугу пöлек-влакым кондат. Ноутбукымат пöлекленит ыле. Кумалме пöлемым почынна, мемнан деке бачышка толеда.

– Тыште эмлалтыше йоча-влак пеш неле чер дене кият...

– Отделенийште 30 койко уло. Ме түрлө район гыч толшо йоча-влакым эмлена. Ийготышт дене 5 тылзаш гыч 18 ияш марте лийыт. Вўр чер, лейкоз манына, моло чер деч ойыртемалтеш. Икте



чоным корштара – ты чер йоча-влак коклаште чот шарлен толеш. Ме Германияисе, Россияисе клиникыласе семынак эмлена, чыла йөн уло – торашке коштман огыл. Келге анализым але неле операцим ышташ кўлмö годым Москваисе федеральный клинический рўдерыш колтена. Дима Рогачёвын историйжым шарнеда чай? Президент Владимир Путин онкологий черан икшыве-влакым эмлыме рўдерлан ты рвезын лўмжым пуаш пунчалын. Тусо медик-специалист-влак дене кылна пенгыде.

– Черле йочам кугуен дене от танастаре. Неле?

– Мо дене черле улмыжым ойлаш неле. Шинчашкет туге тура ончат, а тый чыным ойлышаш улат: тöрлана тудо але ўшан уке. Нуно врачын мутшылан пеш чот ўшанат. Чытыше улыт.

Кугуен, мутлан, бронхит дене черлана да эре кия. А икшыве... изиш гына сай лиеш – воштылеш, модеш, куржталеш, а кунам чер орландара – адакат чыта. Ме эмлыме, анализым налме годым наркозым кучылтына. Йочан первый гана толмекыже, вўргорнышкыжо шым кече эмым колтена – чыта, огеш шорт. Воктенышт эреак авашт.


– Зинаида Семёновна, те тыште пеш шуко ий пашам ыштеда. Позна йöратыме йочада лийын?

– Йöратыме йочам шуко лийын. Шукышт сўанышкыштат ўжыныт. Кажныжым шарнем. Ятырынже шочшан-уныкан улыт, нуно кажне вич ий гыч эмлымверын юбилейшкыже толыт. «Могай эн кугу куанда?» йодыда. Йоца тöрлана гын, тиде мылам эн кугу куан. Черле-влак кокла гыч 85 процентше тўрысшак тöрланен огыл гынат, черым чактарен кертын. Медициныште тиде ремиссий маналтеш. Эре ойлем: ме икшывын тазалыкшым пöртылтена да тыгодым илышыжым утарена.

– Зинаида Семёновна, ме тыланда эше шуко-шуко пациентдан сўаныштыже, азашт почмо пайремыште лияш тыланена.

Л.СЕМЕНОВА мутланен.

6 апрельште мурызо Светлана Осипова «В кругу друзей» благотворительный концертм кокымпо гана эртара. Погымо окса онкологий черан йоча-влакым эмлаш кая.





Кугешнем

Мыйын уло шочмо вер,
Лүмжө тудын – Марий Эл.
Сылне вереш шочынам,
Тыштак вийым погалам,
Шке элемым мый моктем,
Тудын дене кугешнем.

Юрий САВЕЛЬЕВ.
Волжский, Кугу Порат.

Сардаял вүдвакш

Пеш шукерте ожно мемнан ялыште вүдвакш лийын. Тудым пашаш колташ пеш шуко вий кўлын. Вакшыште идалык мучко шурным йонгыштеныт, ложашым, шўрашым ыштеныт. Кугу сар жапыште вакш ял калыклан эн кугу энергыш лийын. Вакш пўя коллан пеш поян улмаш. Илыш ончыко кайыме семын варажым вүдвакшым электротул дене ыштыше вакш алмаштен.

Кызыт пўяже уке гынат, ты верым «Вакш пўя» маныт. Вүд куакшемын, лач кугу да кўжгө шертне-влак ожнысым шарныктат. Кенежым нунын йымалне ялысе кўтўм кечываллан кандарат. Ик тыгай татым Хант-Мансий гыч толшо художник Марина Грабарь шке радынаштыже сўретлен.

Юлианна ЕРМОЛАЕВА, 7-ше класс.
Марий Турек, Сардаял.



Марина ГРАБАРЬЫН радынаже.

Шочмо ялем

Шочмо ялем – Чашкаял. Тудо пеш сōрал, ик кужу уреман. Ял воктене яндар вўдан памаш уло, йырым-йыр чашкер. Кызыт Кугу Тумнымучаш ялыште илем. Тиде ялже ныл уреман. Иктыже – Апак урем, весе – Эшпай, Кугу ял да Новостройко. Палымем шуэш ыле: ала вес районыштат тыгаяк лўман урем-влак улыт? Ял шенгелне – Чумбылат кўсото. Марий йўлам калык пеш пагала. Ялым кугу да мотор школ сōрастар.

Кирилл МАКМАТОВ.

Мыйын шочмо ялем – Лопсола. Ялна чодыра воктене верланен. Кенежым тушто кўтўм кўтена, понгым, снегым погена. Ял покшелне изи пўя уло. Телым йоча-влак хоккей, футбол дене модыт. Чодыра воктенак памаш йога. Тушко ен-влак вургемым шўалташ коштыт. Ял шенгелне – корем. Туштат памаш шыргыкта. Лиеш гын, мый нигунамат шочмо ялемым кудалтен ом кай.



Марина ПАЙКОВА.
Куженер район.

Кожлаер


Шочмо Кожлаер ялем Чод(ы)ра коклаште верланен, А покшелне – ер яндар. Колым тышке кучаш кай! Ала вўдым подылнет? Ший памаш дек мий вашкен. Калыкым ужат – ит ър, Тудо поро, чын ойлем. Курыкышто, ото йыр, Снеге чотак тамле, ой! Кочкын ончо. Ончо-ян, Емыжлан ялна поян. Шочмо Кожлаер верем У пōртла ден тўзланен. Ялем дене кугешнем, Тол унала, йолташем!

Вика МИХАЙЛОВА.
Морко район.

Ярамарий

Илен пеш ожно памаш серыште ик марий. Ик сурт веле лийын. Чодырашке тўрлō кундем гыч сонарзе-влак янлыкым, кайык-вусым кучаш коштыныт. Икана ик сонарзе памаш воктек каналташ шинчын. Вўдым йўаш марий деч коркам йодын, но тудыжын нимогай атыжат лийын огыл. Сонарзе пелештен: “Эх, тый, яра марий улат аман!” Тиде ойлымо почеш Ярамарий ял лўм лектын.

А.САПАЕВ.
Волжский район.



Пашаче калык

Куженер районусо Агытансола ялыште пашам йōратыше, кожмак койышан калык ила. Ялзанылыкыште паша уке гын, ен-влак ърдыжкō кычалын каят. Тыгай еш улан ила. Шуко суртышто машина, трактор, мотоцикл уло. Мландым налын, шурным, парентгым куштат, вольыкым ончат. Ёстембаке яра нимоат ок тол. Меат, йоча-влак, пашам ыштена, школыш коштына, уш-акылым погена. Тыге ача-аванам куандарена.

Мария ЧИРКОВА.
Медведево, 3-шо номеран школ.

МОДШО-ВЛАК: Шымавий, Чевер Кече, Шырчык, Рвезе, Пеледыш-влак, йоча-влак.

Кайык йүк шокта. Залыш Шымавий пура.

Шымавий: Шымата

капемым шошо кумыл,

Шупшалеш шүргем

шыма мардеж.

Кечыйол тарватыш

яндар шүмем,

Ах, чонем мура,

чонем модеш.

Ме таче тендан дене чевер шошын

толмыжым пайремлаш погыненна. Уло шүм-чон дене чылаланда вуй үмбалне яндар кавам, чевер кече гай шокшо кумылым, тумо гай пенгыде тазалыкым да волгыдо йоратымашым тыланена.

Шульши лум,

чыла мондалте,

Күр гай теле

йүштыжат.

Ну, кузе гын

ом мокталте

Тыйым, сылне шошыжат.

(«Шошо» муро. Мутшо

Б.Даниловын, семже

Д.Кульшетовын.)

Залыш Кече пура. Йоча-влак дене саламлаш.

Чевер Кече: Муро йүк-дам колын, тендам ончалаш пурышым. А те палышда, мый кӧ улам?

Чын, Чевер Кече мый улам,

Кажне ден келшен моштем.

Шинчавүд шижде лектеш гын,

Порын үштылын коштем.

Шымавий: Пура, пура мемнан деке. Шокшо кумылет дене чоннам ырыкте, капкылнам пенгыдемде. Тугеже, йоча-влак, айста чевер кечылан куанен, сылнын тавалтен колтена.

(«Теве тылат пурла кид» эрвелмарий куштываш.)

Залыш, рогатке дене шырчыкым поктен, рвезе куржын пура.

Шырчык: Утарыза-а! Полшыза!

Шымавий (рвезым руалта): Шого, шого, тый мом ыштылат?

Рвезе: Мый модам. Тудо чонештылеш, а мый логалтыннем.

Шымавий: Тыге ыштылаш ок лий. Кайык-влак мемнан эн кугу йолташна улыт. Ик кечыште пеш шуко копшангым пытарат. Нуным аралаш күлеш. Адакшым кайыкынат аваже

Шымавий: Йоча-влак, мотор пеледыш-влакын ойгыштым колыда? Айста Мландаван поянлыкшым арален кодена. Изи копшанге, пеледыш, пушенге, шудо вожлан ойгым огына кондо. Оем дене келшеда?

Йоча-влак: Келшена!

Шымавий:

Изи Пеледышна-влак, Мландава млыпландарыза. Нине поро

йоча-влак пүртүслан нигунамаат ойгым, осалым огыт кондо, аралаш тўгалыт. А те, уна-влак, пайремышкына кодса, мемнан дене пырля теат веселан муралтыза.

(«Шыргыжалын колтена» муро. Мутшо ден семже В.Осиповын.)

Шымавий: А ынде чыла-дамат весела модмашке ўжам. Мужыр дене шогагына. Кӧргӧ онгышто шогышо-влак сем почеш куштен каят. Сем чарнымеке, мужырым мушаш улыт. Шкетын кодшо йоча муралта але кушталта, але почеламутым ойла. Умылышда? Тугеже тўнагына веле.

(«Мужырым кычалын» модмаш.)

Шымавий: Яндар кава, кече да тынысле илыш

Шүм-чонышто

лийыт гын – поро лиеш.

Эн шерге, эн лишыл

Ава-мланде шүлгыш.

Чевер шошо гае чонна

пеледеш.

(«Пайрем кумыл» муро.

Мутшо Л.Дмитриеван,

семже В.Осиповын.)

Л.ДМИТРИЕВА,

В.ОСИПОВ.

Волжский район.

Редакций деч: сценарий-ым күчыкемден савыктыме. Тудым марла да рушла тичмашын «Вконтакте» соцсетывыште «Ямде лий» – марла йоча газет тўшкаш-те муын кертыда.

Чевер шошылан куанен

Сценарий



уло. Аваже тыгак шке игыжым йората, вуча. Умылет?

Рвезе: Нелеш ида нал, тетла мый тыге ом ыште. *(Рогаткым пура.)*

Шымавий: Ме тылат ўшанена. Айда тыят пырля модаш шогал. Мый тўналгышым каласем, а те тудым мучашледа.

Толын шуо мотор (шошо).

Кайык-влакнан ынде (полшо).

Ышташ күлеш (омартам).

Да пушенгыш (сакыман).

Кайык сылнын (муралта).

Шулдыр дене (пералта).

(«Шырчык толын» муро.

Мутшо В.Сапаевын,

семже Ев.Волковын.)

Кок изи Пеледыш шортын пура.

Пеледыш-влак: Шымавий акай, полшо! Мландава мемнам тендан деке колтыш. Чевер кече мемнам шымата, леве мардеж мемнан дене модеш. Но еҥ-влак мемнам тошкат, күрыштыт, йўлалтат.

Муро-влак фонограммылан йодыш лиеш гын, тиде электронный почтыш возыза – privol-ddt@mail.ru



Мыскара странице

1 апрель - Воштылчык кече

Йоча-влак, а те теҥгече кеч ик еным ондален кертда? Чу, сырыш, очыни? Такшым ты кечын иктат нигӧланат сырышаш огыл. Вет мыскара ймырым кужемда. А тиде фотом Национальный президент школ-интернатшыте тунемше София Иванова деч налына. Чыл корнан онай почеламутым возен колтыза.



Шергакан йоча-влак! "Ха-ха-ви-зор!!!" мыскара конкурсна умбакыже шуйна. Школышто шкендан але йолташда дене мо онай лийын – возен колтыза. Вучена мыскара серышдам!



Мыскара конкурсыш

Лиеш вет тыгеат

Ушанеда але уке, ик клас-сыште ик йоча гына тунемеш. Тудо пеш онай эрге. Туныктышо-влак кажне эрдене «Таче школыш толеш але уке?» мужедын вучат. Уроклан ок ямдылалт, туныктышым ок колышт. Шоям колташ йӧрата, кунам кузе мо кушто лиймым чыла каласкала, южгунам ешаренат ойла.

– Мый тыланда тамле йокмам конденам, – ик кечын туныктышылан ойла. Сумкам почеш, а тушто совла, вилке, кружка да молат кият. – Тидыже кузе мыйын сумкашкем логалын? Тамле йокмамже кушко йомын? – моткоч ӧреш.

Туныктышо нимом огеш пелеште, тудым колыштеш.

– Адак шӱжарем сумкаштем пургедын! Мӱгиндемем кочкын, а олмешыже кӱмыж-совлам пыштен колтен, – титакла тунемше.

Вот вет, кузе вет, сумкашкет от ончал гын, ала-момат пыштен колтат.

Елена ФЛЕГЕНТОВА.

Звенигово район, Керебеляк.



Мераҥым ужынам

Тиде каныш кечын лийын. Игече лывырге. Тыгай годым чон уремышке ўжеш. Ачам мыйын кумылем шиже ала-мо, чодырашке ўжӧ. Чодыраже ял деч тораште огыл. Ме вашке

миен шуна.

– Маша, мераным ужнет? – йодо ачам.

– Ужнем, – йывыртышым мый. – А

кузе тудым ужын шуктена? Мераҥже – пеш лӱдшӧ янылыкыс.

– Тыят изи улат. Кӱчык поч тый дечет ок лӱд, – вашештыш ачам. – Теве ончо! Мераҥ, лек-ян, Маша тыйым лӱмынак ужаш толын! – кычкырале ачам.

Ушанеда, ўдыр-рвезе-влак, икмыняр жап гыч, чынак, мераҥ лекте. Шкеже ошо-ошо, пылышыже кужу. Мемнан могырыш изишак ончен шогышат, трукышто тӧршталтен кудал колтыш. Тыге мый икымше гана мераҥым ужым. Но ачамже кузе тудым ўжын луктын? Тачат – Авай, коч-ом пале. – Чечас йогуртым

Маша

ДМИТРИЕВА.

Морко,

Коркатово.

пуэм!

– Мыланем йогурт огеш

кӱл. Мыйын кочмем шуэш!

Индекс
Роспечать - 52713, МАП - 78574.
Тираж 1300 экз. Заказ 1022.
Формат – А-4-8.
Директор-тӱн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикысе культур, печать да национальность паша шотышто министерстве, "Ямде лий" газет" кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службыв Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап – 14-00,
фактически – 13-00.
Ак – кутырен келшыме почеш.

Авторын да редакцийын шонмашыш тӱрлӧ лийын кертыт. Серыш-влак мӱнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.



Шошо
 Чевер кече
 Тыге шошо
 шыргыжеш.
 лишемеш.
 Мыйын чоным тарвата.
 Чылам уремыш покта.
 Яндар юж ден
 шүлалташ.
 Кайык мурым колышташ,
 Пушым колтылын модан.
Алёна АНИСИМОВ,
 2-шо «В» класс.
 1-ше номеран Морко школ.
Диана ХАЛТУРИНАН сүретше.
 Советский, Ёрша.

Калыкмутым луд.

7 апрель -
 Йоча кнйган
 тунямбал кечы-
 же



ЧУМБЫЛАТ

П	О	В	О	С	А	В	Г	Н	А	Л	П	У	Ч	Р	А	К	А	Т		
М	Е	Н	Г	Д	Ь	С	Т	О	П	Х	И	Н	А	А	В	У	Е	И		
А	П	Ч	Р	К	Н	Н	А	В	М	Д	А	Д	Л	И	П	Р	О	Ы		
М	С	О	Е	А	П	О	И	Т	Е	Л	М	К	Д	Д	А	Ц	Н	А		
Ш	А	Р	С	В	А	Е	П	Р	Н	Е	У	Л	Ы	Л	О	А	С	Ь		
И	Н	Е	Т	Е	Л	М	Р	Е	А	Н	А	Р	А	В	А	С	К	О	Ц	
Н	В	А	Я	А	П	Л	О	Л	У	С	У	Ч	М	И	О	Л	А	Д	Ы	
Е	А	С	Ш	Ь	И	О	Т	У	Ш	У	Г	Р	Т	Л	А	С	О	Н	А	Ш
А	В	А	Е	Й	Г	Л	У	Ю	Б	М	Е	Л	Н	А	В	М	И	О	Т	О
М	К	А	Л	Ь	Ж	А	А	К	Р	А	К	У	К	И	О	Т	Ь	И		
И	С	У	Т	Е	Р	Р	П	И	Ч	Е	С	К	И	Т	Р	Ж	А	Т		
Ь	Н	А	Т	Ы	Г	А	Ш	Б	У	Д	Г	О	Ш	В	О	Р	Я	Т		
В	Ы	С	Л	О	М	К	А	Л	И	Т	К	О	А	З	Ц	Ь	О	С		
Ь	К	У	С	А	Р	Н	Т	У	В	Ы	Р	В	К	О	Р	Ф	М	К		

Мутбол

ЧУМБЫЛАТ:
 Ушүт, туара, агытан, нулго,
 олма, алаша, ава.
ЧОТКАР: мелна, атма, арава,
 Алдиар, рак, курчак, коча.


МАРИЙСКИЙ РЕСПУБЛИКАНСКИЙ ТЕАТР-ЦЕНТР ДЛЯ ДЕТЕЙ И МОЛОДЕЖИ (Театр юного зрителя)
АПРЕЛЬ 2016
 ул. Вознесенская, 87

5/пт/ 15.00 час.	13+	КОМНАТА НЕВЕСТЫ Драматическая комедия (на русском языке)	Н.Красноперов	
6/ср/ 13.00 час.	12+	ПРО МОЮ МАМУ И ПРО МЕНЯ Школьные сентименты	Е.Исхаки	
7/чт/ 18.00 час.	12+	КОРНЕВОЖ ПЕЛЕДЫШ (Приключенческий восток) Драма	Д.Коробков	
13/ср/ 13.00 час.	12+	ПРО МОЮ МАМУ И ПРО МЕНЯ Школьные сентименты	Е.Исхаки	
14/чт/ 18.00 час.	12+	НЕМЫЧ ВАТЕ (Фрагм. Бергера) Комедия	У.Чулпан	
18/пт/ 13.00 час.	12+	ВИШНЕВЫЙ САД Комедия (на русском языке)	А.И.Челпан	
19/пт/ 13.00 час.	12+	И С НАМИ ГОЛУБИ Ларгическая драма (на русском языке)	Г.Гарипов	
22/пт/ 13.00 час.	12+	ОКОПНАЯ ПРАВДА СОЛДАТА Музыкально-театральная композиция по стихам марийских поэтов-фронтовиков	С.Исхаки	
22/пт/ 18.00 час.	16+	КАЙ, КАЙ ЙЫВАНЛАН (Выйи, вайи та Икана) Комедия	Н.Алиев	
26/вт/ 13.00 час.	12+	Посвящается Дню национально героя ОНАРЫН КЕРДЫЖЕ (Меч Ошара) Лескала	М.Рыбаков	
29/чт/ 13.00 час. 29/пт/ 14.00 час.	12+	Премьера! СИНЯЯ ПТИЦА Феерия (на русском языке)	М.М.Коробков	

Спектакли на марийском языке идут с синхронным переводом на русский язык
 Художественный руководитель - заслуженный деятель искусств РФ и РМЭ
Олег Иркабаев-Этайн
 Справки по телефонам: 30-46-80, 30-46-70
 www.mari-tuz.ru

Информационная поддержка:

Шотлен лук да чиялте: 4 - ужарге, 11 - канде, 12 - ошалге ужарге, 21 - целганде, 22 - нарынче, 23 - йошкарге, 25 - күрен.



Салам аршаң

Кувавамлан тений 15 февральыште 80 ий теме. Тудо Мензеля район Мушуга ялыште шочын. Ныл классым ике ялыштыже тунемын, вара ял деч вич менге ордыжсö Иске-Азми школыш кошттын. Шым класс деч вара колхоз пащам ышташ тунгалын: ушкалым луйттен, йужташ вудым ырыктен, фермысе волыкым пукшен.

Мый кувавамлан тазалыкым, кужу умырым тыланем!

Иван МАРКУХИН.

Татарстан, Муслюм, Марий Пöлер.

Пеналыште мо кия?

Советский район Ёрша школ гыч 6-шо классыште тунемше Петя **НАГАЕВ** йодеш.

- А:** 1;2;3;5;7;9;11;13;16;18;19;20.
- Б:** 1;3;5;6;7;9;10;11;13;15;18;20.
- В:** 1;2;3;7;11;13;14;18;19;20.
- Г:** 1;5;6;7;11;13;16;18;20.
- Д:** 1;5;6;7;11;13;16;18;20.

	1	2	3	4	5	6	7	8	9	10	11	12	13	14	15	16	17	18	19	20
А																				
Б																				
В																				
Г																				
Д																				